

相似、**徂萊**山名、亦作徂徠、在今山東泰安縣東南四十里、**黃鶴山樵**明王蒙之別號也、湖州人、字叙明、趙孟頫之甥、敏於文、工畫山水人物、元末官理問、遇亂、隱於仁和之黃鶴山、故號黃鶴山樵、**窅篿**音杳調、深遠貌、（王安石詩）一路紫苔通窅篿、**石谷墨井**清王翬、字石谷、別號石谷子、常熟縣人、又吳歷、字漁山、號墨井道人、兩人皆善畫、皴法俱用披麻、自黃鶴山樵出、

明湖泛雨記

林 紓

明湖之大不及南漳湖之半。南漳析葦爲九道，望餘杭諸山，如聯轤靡艦，濃翠撲人葦外。老檜駢列可十餘里，寂無人聲。明湖處城中，叢葦闢爲水巷，如南漳然。割葦如田而疆之家私其蓮藕，非有利於人之游觀也。幸頗曲折。時中州馮申甫至濟南，爲東道主，招余陳徵宇林宰平陳任先爲湖游。游船窗以玻璃，出葦間，襟袖皆碧日翳雨集，涼翠爽肌。至鐵公祠下，釣竿滿於湖闌。

之上，余別西湖十四年，鬚髮身在杭州矣。思見歷下亭，訪漁洋老人詠秋柳處，至則丹堊紛綸，匠民大集，亭中供御碑，重簷黃瓦，想舊時風景盡矣。名士軒陳設，皆官樣，如款仕宦，匠民方研硃搗綠，塗飾楹聯，廢然遂反。望鵲華二山，隱隱出雲際。是日飲於湖榭，以車返逆江旅，雨止，見晚霞矣。

註釋

●『明湖』大明湖也，在山東濟南城中，風景絕似江南，旁有歷山，卽舜耕處。

●『南漳湖』在浙江杭縣，附近西溪，一名渦水，多蘆葦。●『中州』河南省在吾國之中央，故曰中州。●『東道主』（左傳）「燭之武見秦伯曰：若舍鄭以爲東道主，行李之往來，供其困乏，君亦無所害」，鄭在秦之東，故武云然，後人爲之東家之稱。

●『鐵公祠』祀明初鐵鉉，卽與成祖相抗，後被極刑者是也。●『漁洋老人』

王士禎，清新城人，字貽上，號阮亭，別號漁洋山人，順治進士，後因避諱改名士正，以詩鳴海內，有秋柳四首，爲一時所傳誦，著有帶經堂集、池北偶談等數十種。

遊棲霞紫雲洞記

林紓

棲霞凡五洞，而紫雲最勝。余以光緒己亥四月，同陳吉士及其二子一弟，泛舟至岳墳下，道山徑，至棲霞禪院止焉。出拜宋輔文侯墓，遂至紫雲洞。洞居僧寮右偏，因石勢爲樓，周以繚垣，約以危欄，據欄下矚，洞然而深，石級濡滑，盤散乃可下。自下仰觀，洞壁穹窿斜上，直合石樓，石根下插幽窈莫竟，投以小石，琅然作聲，如墜深穴。數武以外，微光激射，石隙出漏天，小圓明如鏡焉。蝙蝠掠人而過，不十步，輒中巖滴。東嚮有小門，絕黑，僂而始入，壁苔陰滑，若被重錦，漸行漸豁，斗見天光。洞中廓若深堂，寬半畝許，壁勢如地，拔起斜出，十餘丈，石角北向，壁紋絲絲象雲縷，有泉穴南壁下，蓄黛積綠，濶然無聲。巖頂雜樹，附根石竅，微風徐振，掩苒搖颺，爽悅心目，怪石駢列，或升或偃，或傾或跂，銳或博，奇詭萬態，俯仰百狀。坐炊許，出洞飲茶，僧寮余方閉目凝想其。

勝將圖而藏之，而高嘯桐林子。忱突至，相見大譙，命侍者更導二君入洞，遂借筆而爲之記。

註釋

●【棲霞】山名，在浙江杭縣西湖旁，當葛嶺之西，一名劍門嶺，下有岳武穆墓。●【輔文侯】卽牛皋，宋魯山人，爲岳飛部將，屢從破金人有功，飛死後一日，都統制田師中大宴諸將，皋遇毒而死。●【濶然】積水貌，濶音隊。

動物談

梁啟超

哀時客隱几而臥，隣室有甲乙丙丁四人者，咄咄爲動物談，客傾耳而聽之。甲曰：「吾昔游日本之北海道，與捕鯨者爲伍，鯨之體，不知其若干里也，其背之凸者，暴露於海面，面積且方三里，捕鯨者剗其背以爲居食於斯寢於斯，日割其肉以爲膳，夜然其油以爲燭，如是者殆五六家焉。此外魚蝦鼈蠔螺蛤，緣之曠之者，又不下千計，而彼鯨者冥然不自知，以游以泳，偃然自以。」

爲海王也！余以語漁者，是惟大故，故旦旦伐之，而曾無所於損，是將與北海比壽者。漁者語余，是惟無腦氣筋故，故旦旦伐之，而曾無所於覺，是不及五日，將陳於吾肆矣！」乙曰：「吾昔游意大利，意大利之歷碑多山，有巨壑，厥名曰兀子壑，黑暗不通天日，有積水方十數里，其中有盲魚，孳乳充斥，生物學大儒達爾文氏解之曰：「此魚之種，非生而盲者，蓋其壑之地，本與外湖相連，後因火山迸裂，坼而爲壑，溝絕而不通，其湖魚之生於壑中者，因黑暗之故，目力無所用，其性質傳與子孫，日積日遠，其目遂廢。」自十數年前，以開礦故，湖壑之界忽通，盲魚與不盲者復相雜處，生存競爭之力，不足以相敵，盲種殆將絕矣！」丙曰：「吾昔游於巴黎之市，有屠羊爲業者，其屠羊不以刀俎，不以束縛，置電機，以電氣吸羣羊，羊一一自於機之此端，少頃，自彼端出，則已伐毛洗髓，批斂析理，頭胃皮肉骨角，分類而列於機矣！旁觀者無

不爲羣羊憐而彼羊者，前追後逐，雍容雅步以入於機，意甚自得，不知其死期之已至也。」丁曰：「吾昔游倫敦，倫敦博物院有人製之怪物焉，狀若獅子然，偃臥無生氣，或語余曰：『子無輕視此物，其內有機焉，一撥捩之，則張牙舞爪，以搏以噬，千人之力，未之敵也。』余詢其名，其人曰：『英語謂之佛蘭金仙，昔支那公使曾侯紀澤譯其名，謂之睡獅，又謂之先睡後醒之巨物，一余試撥其機，則動力未發，而機忽坼，蟄我手焉，蓋其機廢置已久，既就鏽蝕，而又有他物梗之者，非更易新機，則此佛蘭金仙者，將長睡不醒矣！惜哉！哀時客歷歷備聞其言，默然以思，愀然以悲，瞿然以興，曰：『嗚呼！是可爲我四萬萬人告矣！』

註釋

●【達爾文】英之博物學家，并以詩名、所著有植物園、植物之愛、植物之經

濟等篇、西元一七三一生、一八零二沒、●【曾紀澤】國藩子、字劼剛、襲一等毅

勇侯、同治間、歷使英德俄諸國、官至戶部左侍郎、卒謚惠敏、

說橙

梁啓超

西人之言曰：「歐洲之地，上徹至肥，下徹至磽，計其中數，每畝歲產之物，值銀四十七兩，而法國沃衍之菜圃，每畝歲產，有值銀至七千五百兩者。」嗚呼！何其盛也？西人又言曰：「凡地在離赤道二十至三十度之間者，其所出物，與四十至五十度之間者相較，約如六五與三五之比例。」吾準是算之，中國每畝歲產之值，其中數約當得九十兩。吾粵人也，所知者，粵中再熟之地，用以藝穀，每年值銀中數，不過六兩有奇耳。西人又言曰：「凡上農之治田也，必察其土宜，而慎擇其所值，同一地也，所植種爲貴爲賤，其產值之相懸，乃至一與一百二十之比例。」吾以是驗之，吾縣植物之大宗者，藝穀之外，曰桑，曰菸葉，曰蒲察，曰柑橘，曰橙。蓋柑橘之利，三倍於藝穀，植蒲葵之利，

五倍於藝穀，植桑之利，十倍於藝穀云。新會之橙，天下之所聞也。老農爲余言，植橙之利，凡畝而容百五十株，凡株得橙中數，可二百實，一實重率在三四兩之間，略五實而爲一斤，聞每株值可以得四十斤，每畝年可得六千斤，就橙地市橙，常年中價每百斤而值九兩，一畝之值殆五百四十兩有奇云。與藝穀相比，其率蓋若一與九十矣。老農請言植橙之費，吾縣瀕海，凡種植家皆築圍以避潮，圍內爲灘資畜洩焉，此爲第一義。其費每畝爲二兩四錢，犂地爲界，界有小濠，此爲第二義。犂地之費，每畝八錢，開濠如之，買樹爲第三義。每樹一株，值銀三分六釐，每畝之費，爲五兩四錢，吾縣之田，每年中價二兩四錢，而賃一畝，其初植之第一年，田主重征之率，畝而加三兩焉，此爲第四義。都其總數，初植之第一年，凡畝而費十四兩八錢，一切備矣。橙五年而實，向言畝值五百四十兩有奇者，六年以後之事也。老農又爲余言，田藝。

穀既久，其土塗於新樹最不利，而番薯最宜。故第一年必植薯，植薯之利，每年可三兩六錢。新樹畏烈日，自第二至第五年，必間歲植蔗及瓜豆芋栗之屬。以捍蔽之。植蔗之利，年可二十兩，植瓜豆之利，年可十四兩。其視藝穀所獲，已一倍至二倍矣。圍隄內外，樹以雜果木，隄外二排，一蒲葵，二水松。隄內三排荔蕉桃李，相間樹之。壅可以畜魚，濠可以藝禾，橙下餘地，可以植蔬。六年以後，常年經費，賃田之租，每畝二兩四錢，糞田之用，每畝三兩六錢，治田之工，每百畝僅用四人。每年中價人約十二兩，一切取之於圍隄濠壅所出之物，恢恢然有餘矣！故植橙百畝者，六年以後，可以不費一錢，而坐收五萬四千兩之利。盡吾縣可耕之地而植橙，歲入可驟增一萬一千萬，均國帑矣。余語老農，若胼而手胝而足，終歲勤勤而惟於歲值六兩之穀，是藝舍多就寢，舍逸就勞，抑何儻矣。老農語余，縣官歲以橙貢天子，歲十月差役大索於

野，號爲貢。橙馨所有，乃去百畝之橙，一日盡之矣！故今日新會之橙將絕於天下！

註釋

●【恢恢有餘】本謂地位寬廣也。此言產物充裕。（莊子）恢恢乎其於遊刃必有餘地矣。●【國帑】帑、音湯、上聲、國家之公費曰國帑。●【胼手胝足】謂勤勞也、勤勞人之手足、多生硬塊、色黃或茶褐、俗稱老繭。

臨時大總統就職宣言

孫文

中華民國締造之始，而文以不才，膺臨時大總統之任，夙夜戒懼，慮無以副國民之望。夫中國專制政治之毒，至晚近二百餘年而滋甚，一旦以國民之力，踣而去之，起事不過數旬，光復已十餘行省，自有歷史以來，成功未有若。是之速也！國民以爲於內無統一之機關，於外無對待之主體，建設之事，刻不容緩，是以組織臨時政府之責相屬，自推功讓能之觀念以言，文所不。

敢任也。自服務盡職之觀念以言，文所不敢辭也。是用黽勉從國民之後，能盡掃專制之流毒，確定共和，普利民生，以達革命之宗旨，完國民之志願，端在今日，敢披肝瀝膽爲國民告：國家之本，在於人民，合漢滿蒙回藏諸地爲一。國如合漢滿蒙回藏諸族爲一人，是曰「民族之統一」。武漢首義，十數行省，先後獨立，所謂獨立者，對於滿清爲脫離，對於各省爲聯合，蒙古西藏，意亦同此，行動既一，決無歧趨，樞機成於中央，斯經緯周於四至，是曰「領土之統一」。血鐘一鳴，義旗四起，擁甲帶戈之士，遍於十餘行省，雖編制或不一，號令或未齊，而目的所在，則無不同，由共同之目的，以爲共同之行動，整齊劃一，夫豈甚難？是曰「軍政之統一」。國家幅員遼闊，各省自有其風氣所宜，前次清廷強以中央集權之法行之，以遂其僞立憲之術者，今各省聯合，互謀自治，此後行政期於中央政府與各省之關係，調劑得宜，大綱既

絜條目自舉，是曰「內治之統一」。滿清時代，藉立憲之名，行斂財之實，雜捐苛細，民不聊生。此後國家政費，取給於民，必期合於理財學理，而尤在改良社會組織，使人民知有生之樂。是曰「財政之統一」。以上數者，爲行政之方針，持此進行，庶無大過。若夫革命主義，爲吾儕所倡言，萬國所同喻，前次雖屢起屢躡，外人無不鑒其用心。八月以來，義旗飈發，諸友邦對之抱平和之望，持中立之態，而報紙及輿論，尤每表其同情，鄰誼之篤，良足深謝。臨時政府成立以後，當盡文明國應盡之義務，以期享文明國應享之權利。滿清時代辱國之舉措，及排外之心理，務一洗而去之。持平和主義，與我友邦益增親睦，使中國見重於國際社會，且將使世界漸趨於大同，循序以進，不爲倖獲。對外方針，實在於是。夫民國新建，外交內政，百緒繁生，自顧何人，而克勝此？然而臨時政府，革命時代之政府也，十餘年來，以至今日，從事於革

命者，皆以誠摯純潔之精神，戰勝其所遇之艱難，即使後此之艱難，遠逾於前日，而吾人惟葆此革命之精神，一往無阻，必使中華民國基礎確立於大地，此後臨時政府之職務始盡，而吾人始可告無罪於國民也。今以與吾國民初相見之日，披布腹心，惟我之四萬萬同胞鑒之！

註釋

●【幅員】廣狹曰幅、周圍曰員、疆域有廣狹及四至、故稱疆域爲幅員、（詩）

幅員既長、員、讀如云、●【大同】頗瑣嚴刻之意、（漢書）反形未見、以奇細誅之、臣恐功臣人人自危也、●【大同】言盛世大和平也、見「禮運」、

對德奧宣戰布告

馮國璋

我中華民國政府，前以德國施行潛水艇計劃，違背國際公法，危害中立國人民生命財產，曾於本年二月九日，向德政府提出抗議，並聲明萬一抗議無效，不得已將與德國斷絕外交關係等語，不意抗議之後，其潛水艇計劃，

曾不少變，中立國之船隻，交戰國之商船，橫被轟毀，日增其數，我國人民之被害者，亦復甚衆，我政府不能不視為抗議之無効，雖欲忍痛偷安，非惟無以對，尚義知恥之人，亦且無以謝。當仁不讓之與國中外，共憤諮詢，僉同遂於三月十四日，向德政府宣告，斷絕外交關係，并將經過情形，宣告中外。我中華民國政府所希冀者和平，所尊重者公法，所保護者我本國人民之生命財產！初非有仇於德國，設令德政府有悔禍之心，怵於公憤，改其戰略，實我政府之禱企，不忍遽視爲公敵者也。乃至斷交以後，歷時五月，潛艇之攻擊如故，非特德國而已，即與德國取同一政策之奧國，亦始終未改其態度，既背公法，復傷害吾人民，我政府責善之深心，至是實已絕望。爰自中華民國六年八月十四日上午十時起，對德國奧國宣告立於戰爭地位，所有以前我國與德奧兩國訂立之條約合同協約及其他國際條款國際協議，屬

於中德中奧間之關係者，悉依據國際公法及慣例，一律廢止。中華民國政府，仍遵守海牙和平會條約，及其他國際協約，關於戰時文明行動之條款，固敢逾越。宣戰主旨，在乎阻遏戰禍，促進和局，凡我國民，宜喻此意。當茲國變初平，瘡痍未復，遭逢不幸，有此釁端，本大總統睠念民生，能無心惻，非當萬無苟免之機，決不爲是一息爭存之舉。公法之莊嚴，不能自我失之。國際之他位，不能自我圮之。世界友邦之和平幸福，更不能自我而遲誤之所願。舉國人民，奮發淬厲，同履艱貞，爲我中華民國保此悠久無疆之國命而光大之，以立於國際團體之中，共享其樂利也。布告遐邇，咸使聞知。

註釋

一、『國際公法』國與國交際間權利義務之法律，爲各國所承認者，又單稱國際法，亦稱萬國公法。二、『責善』謂互相切磋，以期於善也。語見《孟子》。三、『海牙』

辭，多引用此語。四、『當仁不讓』《論語》「當仁不讓於師」，今言遇事宜直任不

地名、荷蘭之國都、西元一六六八年及一七一七年之三國同盟會議、一八九九年及一九零七年之保和會會議、及國際公斷法院、皆設於此。『艱貞』堅守不屈也。（易）明夷、利艱貞、

罷戰令

徐世昌

國家政治，審時爲先，安內靖外，理無二致。比者天心厭亂，歐戰告終，我協商國兵士人民，不憚躬冒艱險，卒以公理敵強權，而獲此最後之勝利。吾國力排衆難，加入戰團，與茲盛舉，是堪欣幸！兵氣旣戢，和會肇始，方將綏保斯世，共躋康平，顧以西南數省，政論偶有異同，肇於一隅，牽及全局，兵戈累歲，國力殫殘，安內未能遑云靖外？川粵諸省，昔稱富庶，兵燹迭覩，井里爲墟，卽有完善之區，亦復百業凋殘，生計窘蹙，言念民瘼，至用痛心！南北各軍，莫非袍澤，徒以操戈同塹，致使遺身鋒鏑，暴露原野，揆諸胞與之誼，能無觸惻之私？

是宜鑒察人民之趨嚮，以除國內之紛爭，促進政治之統一，以協友邦之希望，所有前方在事各軍隊，務當卽日罷戰，一律退兵，其各處地方治安，均由各該管軍民長官，派隊次第接防，切實保衛，其有土匪擾亂治安，及軍隊不遵戎紀，有妨秩序者，是爲國人所共棄，及時戡定，勿滋民患！本大總統素懷澹泊，久謝政聞，祇以邦人責望之殷，安危所關，間不容髮，勉肩鉅任，冀挽時艱，觀歐洲勝敗之數，則知公理之可憑，察吾國禍亂之源，則知民事之難緩，對於國交，惟有本敦睦之誠意，促世界之和平，從容樽俎，跂進大同，對於內政，惟有以工商主義，培養民生，以共和正軌，振興法治，果使政綱畢舉，國基鞏固，衰朽之年，猶得與周行羣彥，共致太平，拂衣歸耕，實有至樂，國步綦艱，時乎不再，共圖上理，早釋泯棼，一切應辦事宜，著各該管部，迅速籌議，呈候施行。

註釋 ●『民瘼』民所苦也、(宋史)戢吏姦、訊民瘼、●『袍澤』同軍之人曰袍澤、

(詩經)豈曰無衣、與子同袍、……豈曰無衣、與子同澤、●『胸與』(西銘)民吾同胞、物吾同與也、●『樽俎』樽酒盃、俎、古時盛肉器、●『歸耕』古琴曲名、此言去官還鄉也、(琴操)歸耕操者、曾子之所作也、曾子事孔子十有餘年、晨覺、眷然念二親年衰、養之不備、於是援琴鼓之曰、歎歎歸耕兮、安所耕歷山盤兮、

主和令

徐世昌

歐戰以來，兵禍至烈，影響政治，震動全球，而立國久遠之圖，究未可悉憑武力，故欲保障人類之幸福，必先維持國際之和平。美大總統威爾遜有鑒于斯，迭次宣言，咸以尊重和平為主。吾國政府以逮士庶，莫不佩其憫世之誠，而大勢所趨，卽列邦亦將贊助進行，以為世界和平之先導，自茲兵事永弭，工商大興，扶持物質之文明，輔助民生之發達，大同盛軌，此為權輿本大

總統適以斯時，謬膺衆選，亟當詳審世局，用定設施。夫以歐西戰務擾攘，累年所對敵者視若同仇，所爭持者攸關公義，一經息爭，弭亂遂若異口同聲。況吾國二十餘省同隸于統治之權，雖西南數省政見偶有異同，而休戚相關，奚能自外？戰無南北之判，安有畛域之分？試數上年以來，幾經戰伐，罹鋒鏑者孰非胞與？糜餉械者皆我脂膏！無補時艱，轉傷國脈，則何不釋小嫌而匡大計？蠲私忿而勵公誠，俾國基繫於苞桑，生民免於塗炭；平情衡慮，得失昭然。茲值列強偃武之初，正屬吾國肇新之會，欲以民生政策與協約諸邦相提攜，尤當萃國人之心思，併力刷新文治，恢張實業，以應時勢而赴事機，及茲黽勉幹濟，猶慮後時，豈容以是丹非素之微貽破斧缺斨之痛？況兵事糾紛，四方耗斂，庶政擱滯，百業凋殘，任舉一端，已有不可終日之勢，卽無對外關係，詎能長此支持？所望邦人君子，戮力同心，幡然改圖，共銷兵革，先以

固國家之元氣，次以圖政策之進行，民國前途，庶幾有豸！以言政策，莫要於促進民智，普興民業，而二者皆當具有世界之眼光。吾國文教早闢，而民智詮塞，進步較晚，是宜旁采列邦之文化，以灌輸之。吾國財力素豐，而興業所資，母財尤乏，是宜兼集中外資力，以補助之。以國家爲根本，以世界爲步趨，勸使人民智識，跂及於大同，社會經濟，日臻於敏活。民智進，則國權自振，民生厚，則國力益充。夫如是，乃可保文物之舊邦，乃可語共和之真諦。本大總統不憚曉音，瘡口以尊重和平之主旨，告我國人，固渴望我東亞一隅，與世界同其樂利。惟茲有衆，其共念之。

註釋

●「休戚相關」（國語）晉孫談之子周適周，事單襄公，晉國有憂，未常不戚，有

亡，繫于苞桑。（疏）苞本也，凡物繫于桑之苞，則牢固也。慶未嘗不怡，襄公曰，爲晉休戚，不背本也，語本此。●「繫于苞桑」（易）其亡，其

就任臨時副總統通告

黎元洪

連接各省代表會，與本省代表兩電，知中央政府舉元洪爲臨時副總統，聞命之餘，慚悚交并。元洪才識平庸，素無表見，自起義以來，全賴羣策羣力，互相維持，以武漢一隅，而收十七省益地之圖，以前後兩月，而雪三百年敷天之憤，諸君子創其苦因，而元洪收其樂果，縱諸君子謬蒙推獎，能勿恧然。現在和議未定，戰事方棘，尙望諸君子堅矢初心，共襄盛業，勿爭權利而越範圍，勿懷意見而分門戶，勿輕敵而有驕心，勿畏難而萌退志，豈惟我中國父兄子弟，羣相託命，環球萬國，將於是觀聽隨之。元洪有厚望焉！

註釋

●『初心』猶言本心也。（吳融詩）麋鹿愧初心。

●『敷天之憤』言憤恨之多，可布滿天上也。●『恧然』慚愧也，恧，讀如忸。

聯任臨時副總統通告

效電敬悉，甚愜本懷，不意皓哿兩電傳示，復承諸父老昆弟錯愛，竟推洪蟬聯前職，殊深慚悚。竊念義軍發起之初，以訖民國完全成立，皆全國同胞共同之力，洪何人斯，敢忝副職？祇以力辭不獲，兵事未終，權從衆志，隨諸公後耳。今南北和同，兵戈永息，項城柄國，人望攸歸，洪之才力實難比肩，謹以臨時之局暫從公民之命，仍望諸大君子鼎力建設，奠定民國，一俟端緒就理，仍當歸耕南畝，爲一自由之公民。如蒙時惠教言，不勝翹企之至。

註釋

●【蟬聯】謂相續不絕也、曹王皋後裔、有貞觀開元兩朝賜書、世寶而讀之、

蟬聯不絕、見《珊瑚鈎詩話》、●【項城】袁世凱、河南項城縣人、故稱世凱曰袁項城、●【比肩】謂肩相並也、●【歸耕】謂辭官退隱也、（宋璟表）求退歸耕養

情巖穴、

就任正式副總統宣言

黎元洪

今日爲正式政府成立之期，卽爲國慶紀念之日。我大總統履任伊始，元洪承國民委託之重，備位副貳，追隨其後，實中國亘古以來未有之曠典也。諸君無遠俱邇，濟濟踴踴，額手相慶。元洪德薄能鮮，深恐弗克負荷，貽隕越羞。然以兩年來與我國民共歷險艱，怵惕惟厲。以有今日，元洪謹撮一言，維諸君擇焉。武漢起義，天下響應，不三月間，南北統一。雖漢上之遺鏃未銷，四民之創夷未復，然非國民希望之切，友邦提携之力，共推共挽，曷克臻此！此過去之觀念，與諸君所共勵者，一破壞既終，建設方始，然四郊多伏莽之憂，贛甯兆潢池之變，暴民思逞，國步多艱。幸而天不助逆，民情效順，國軍所至，大難敉平，乃以國民望治之殷，促進政府成立之始，公戴元首，遂康庶事，而元洪亦得雍容樽俎，扶助進行。此現在之觀念，與諸君所共勵者，二文明進化，首重法治，國家振興，尤賴人才，然拔茅乃得連茹，除暴所以安良，惟能鞏固。

中央，乃謀事權統。一元洪與諸君危舟共濟，大廈同扶，永矢初衷，贊襄偉略，每念艱難草創之業，益深虎尾春冰之懼。從此增進福祉，保障和平，此將來之觀念，與諸君所共勵者三。抑更有進者，元洪與諸君休戚相關，患難與共，今日之衣冠槩敷，前日之鐵血金戈也；今日之舞蹈歡忻，前日之呼籲奔走也。自今以後，願元洪勿以今日自矜，願諸君勿以今日自足，願大總統益展其安邦靖亂之雄才，以發揚我國權，宣揚我民意，則將來豐功盛業，即以今日卜之也。諸君其亦贊成吾語乎？

註釋

●「隕越」顛墜之義、（左傳）「恐隕越於下」，以喻人事之顛覆也、●「伏莽」

（易）「伏戎於莽」，言潛伏兵戎於林莽之中也、後謂匪盜之潛匿者曰伏莽、●「潢

池」謂羣盜爲寇，無異羣兒戲嬉於池塘之畔也、（漢書）盜弄陛下兵於潢池中耳、

四

「虎尾春冰」

言其危也、（書）心之憂危、

若蹈虎尾涉於春冰、

五

「休戚」

言喜與

憂也、（國語）爲晉休戚、不背本也、

與袁世凱論軍民分治

黎元洪

整軍治民，分途異轍。自各省光復，軍人柄政，習爲故常。當時義幟初張，戎衣未定，敵兵偏處，伏莽潛滋，非假軍威，斷難鎮攝。自時厥後，流弊叢生，略奉數端，仰塵清聽。文武兼資，古難其選，方枘圓鑿，必墮事機。夫以各省都督，其深嫵韜略，熟計民生者，豈不就熟駕輕，泛應曲當？然片甲不更高才，難繼設或隨陸。無武緣灌，無文熒惑政策，督亂方略，學識所蔽，左道乘之，巨奸倚爲窟巢，悍將憑爲傀儡，馴至禍機四伏，衆怨沸騰，民力竭而不知，軍心懈而罔覺，明德爲累，大局偕亡，其害一也。各司人員，端資素學，才有獨擅，業有專攻，類聚羣分，源清流浹，今使與軍界同隸一尊，用人則妄事鑽營，處事則橫加干涉，甚至把持賢路，接挽私人，此國家行政之權，爲將士酬庸之具，稅關礦局，

褰裳而據要津，錄事科員解甲而談兵藝，一人迫脅全局，動搖俊彥，韜聲士夫，蹙額其害一也。開牙擁纛，囂然自雄，號召徵募，多多益善，寓客僑民，流氓賤隸，濫名靡餉，競逐其間，紀律廢弛，鎗械匱乏，以彈壓則不足以紛擾，則有餘，夫當此隣交未定，國難方深，在上者不以爲心腹之憂，而以爲爪牙之利，洲民聚處，大禍循環，若墮深淵，罔知所屆，其害三也。軍隊既多，急謀支應，地方賦稅，予取予求，暴斂苛捐，威迫誘逼，疲民以逞，竭澤而漁，羅掘旣窮，乞靈外債，恣財驥武，遑恤其他，甚至搜括萬家，餧粥之資不足供一軍衣冠之費，森森戈戟，劙骨剜心，子子旌旗，塗膏釀血，債臺疊積，大陸淪胥，其害四也。司法獨立，憲國所同，入議之條，已成芻狗，所以鑰通民隱，保護法權，校冗防奸，胥歸約束，自重兵在握，任意執行，假軍法爲護符，視民命爲兒戲，甚至無辜士庶，遽越青鋒，未讞官員，橫罹黑彈，帝閽不開，閭曹難問，吞聲歟涕，莫敢誰。

何茂蔭春凋，冤霜夏結，茫茫慘酷，不辨晦冥，其害五也。軍興以來，瘡痍滿目，農工輶業，商賈凋殘，撫死卹傷，未遑籌議，今分遣軍隊，駐防外縣，奉命遠來，龐然自大，勾結紳吏，蹂躪閭閻，有司不敢繩，委員不敢憇，堂高廉遠，惟强是從，搶掠則白骨埋冤，姦淫則紅顏畢命，殺氣所薄，江水爲哀，猶復粉飾其詞，掩人耳目，商民解體，老弱逋逃，邦本旣傾，國運以盡，其害六也。仕途擁擠，餉口無資，懷刺塞塗，挾竿穿限，女無媒而賣笑，士無介而呈身，捷足者宣驕標門者觖望，乃復聯絡軍人，結集會社，蘆中^四窮士競逞辯鋒，稷下^五先生靜談時政，隱善闡惡，則四座快心，假公濟私，則萬夫鼓掌，羽翼既盛，膽魄俱雄，軍營一呼，政界俱倒，雖有聖智，亦難維持，其害七也。軍民並轄，積厚培高，權力之雄，誰與倫匹，夫位高則啓爭，勢重則招軋，綜一省軍官最高之級，何啻數百？綜一省政界最優之差，何啻數千？一人更動，全局推翻，稍擁重兵，卽圖反側，

縱使服從命令，遵守範圍，而游士亂民，羣相趨附，謠言熒聽，浸語鑠金，假部
命以觀兵，托民岩而伏罪，兵連禍結，更嬗相雄，鶴蚌相爭，猿蟲共化，其害八
也。兵權既重，省界斯分，畫畛區疆，各爲風氣，鄉隣有鬪，則閉戶不前，越人彎
弓，則含笑而道，甚或擴張權力，消納亂兵，以近省爲尾閭，藉鄰封爲甌脫鄭。
芟周稻，楚刈梁，瓜蠻觸紛，囂靡有底止，內訌不息，外患相乘，其害九也。強藩
坐綰，閩外自尊，厚集黨援，廣招朋類，上不承於總統，下不謀諸庶民，叱咤則
山嶽爲崩，揮霍則江湖俱竭，稍有異議，立燭兵變，猶復封章乞骨，露表陳情，
陽居謙讓之名，陰示把持之實，雖有中央政府，亦苦如張弧不弦，長鞭莫及，
周代列邦，唐朝藩鎮，積重難返，可爲寒心，列強眈眈，已操成算，遷延不改，卽
召瓜分其害十也。凡此十害，皆由於軍民不分，範圍太廣，流弊所趨，雖賢者
亦有不免，而今日軍界，尤爲可危，一曰「無道德心」，三軍餉糈，供自兆民，

愛國衛邦，根諸天性，迺縱欲敗度，任意橫行，子女玉帛，視同性命，譬彼輪機，
稍觸卽發。淫心熾於俄頃，貪念勃於崇朝，甲仆乙興，此呼彼應，遂至城郭夷
墳，市塵焦土，漢池九仞，祇賸殘灰，秦獄千年，猶存怨氣，萑苻潰散，盜賊橫行，
誰爲厲階？至於此極？二曰：「無法律心，」軍人天職，首重服從，萬夫一心，如
臂使指，迺拔劍擊柱，綱紀蕩然，發令則詆排，更官則鼓噪，甚且勒索重餉，迫
脅長官，土芥營規，弁髦軍法，爵祿不足，糜其念，刀鋸不足，懾其心，徵調拘於
飛符，淘汰窮於善筭，毒風所煽，全國蔓延，瓦解土崩，亡將無日！三曰：「無責
任心，」國民從軍，具有義務，有事則禦侮，無事則服勤，迺呼朋嘯侶，河上逍
遙，酣嬉酒肉之場，徵逐笙歌之隊，軍事戰術，懵然罔知，國難民艱，夷然弗恤，
投戈棄甲，共傲天口，幾不知身爲何人，兵爲何事，人心已死，大命將傾，瞻望
中原，不知誰主，夫以今日絕續存亡，千鈞一髮，但使有一於此，已足亡國滅。

種而有餘，而況險象之俱備乎？日月幾遷，河山猶昨，成功由於軍人，而致敗亦由於軍人，自我得之，自我失之，此志士所爲深哀，而強隣所爲竊笑也。竊謂消隱患於無形，垂宏規於久遠，惟有將軍務民政，劃爲二途。民政長綜攬政綱，必須臧諸議會，命諸政府，凡現設各司局，除路航郵電鹽稅海關，應劃歸政府，不立專政，司法獨立，直隸中央，其餘之政，概歸民政長管轄，以一事權，財政一司，樽節核計，綜一省收支之款項，交會議決，而歲納其部，庶可以統一政權，維持國力。至每省定一都督，專轄軍隊，悉歸中央委任爲制，一除干預政治，擅舉軍官之弊。此外各項名目，概行取銷，實行徵兵制度，以便訓練劃分區域，招選土著，除長官外，均不許客兵攬雜，及年則入伍，滿期則歸農，則全國皆兵之制可推行也。統籌國防計畫，以利指揮，更開學校，編定教科，俾目的有共趨，眼光有專注，一朝有警，執梃撻兵，則同仇敵愾之心可預。